

Cumbre internacional na Bogota, Colombia

Henny Eman orador invita na Foro di ex-Hefenan di Estado

“Inseguridad, Dolor Evitabel” ta e tema



ODCA (Organización Democrata Cristiana de America), e fundacion Konrad Adenaur y e Fundacion pa Estudionan Social Cristian y Organizacion Internacional Democrata di Centro (IDC) ta organisa un foro cu lo hiba como tema “Inseguridad, dolor evitable”, cu ta cuminsa diabierna awor na Bogota, Co-

lombia.

Na e foro aki a wordo invita pa participa hefenan y ex hefenan di Estadonan Latino-Americano, entre nan tin panelista, academiconan, personalidadnan di e politica Europeo y lidernan di partidonan cu ta miembro di ODCA.

Ex-Minister President Henny

Eman a wordo invita como ex hefe di gobierno di Aruba pa ta un orador na e foro aki caminda cu e lo presenta e tema di e reto pa seguridad pa paisnan chikito. Eman ta forma parti di e seccion di e debatenan bao di e tema: ‘Construccion de Soluciones’. Henny Eman lo carga e parti aki hunto cu Vicente Fox, Ex Presidente di México y Co Presidente di IDC, Jorge Quiroga, Ex presidente di Bolivia y ex Presidente di España, José María Aznar.

E propio presidente di Colombia, Álvaro Uribe lo duna inicio na e conferencia aki cu lo conta cu presencia tambe di otro ex hefenan di estado Armando Calderón Sol, ex Presidente di El Salvador, Belisario Betancourt, ex Presidente di Colombia, Vinicio Cerezo, ex Presidente de Guatemala, Leslie Manigat, ex Presidente di Haití.

Manuel Espino Barrientos, Presidente di ODCA y Vicente Fox, Presidente di IDC ta e an-

fitron di e evento aki.

Entre e temanan di e exposicion ta figura: “Combatimento di delincuencia organisa”, “Desaroyo y Prosperidad” y “Seguridad Financiero”. Tambe lo pone atencion na “Fortalecimiento di institucionalidad democratico”, “Derechonan Humano” y “Combatimento di Terrorismo”.

ODCA ta splica cu e foro ta wordo hiba dentro di e contexto di e politica decedido di Presidente Álvaro Uribe di Colombia pa trece seguridad na Colombia y den region.

E seminario “Inseguridad, dolor evitable”, ademas de propicia un reflexion y genera propuestanan di solucion, e organisadornan di Foro ta busca di asumi tambe un compromiso di accion eficaz na favor di seguridad den America.

Ex-Promer Minister Henny Eman a gana aprecio y respet pa e forma con e’la lidera un pais

chikito den un area turbulento y pone economicamente riba pia den un cuadro di relacion legal y diplomatico cu potencianan importante den mundo, esta Hulanda, Union Europeo y Merca. E bienestar social economico cu Eman a lidera pa Aruba y su comunidad combina cu e cuadranan di relacion cu Merca y Hulanda, a crea un progreso y estabilidad pa Aruba pa cual e’la gana respet y admiracion di tur e hefenan di estado y gobierno cu a sirbi den e mesun epoca. Henny Eman a sirbi 10 aña como Promer Minister di Aruba. Rescate Economico, garantiza Aruba su continuidad den Reino Hulandes, Relacionan excepcional cu Merca refleha den e inmigracion y douane mericano na Aruba y bienestar social pa esnan vulnerabel y nos grandinan, a caracteriza e carera di e estadista Arubiano aki cu awe ta orador special na un Foro di Hefenan y ex Hefenan di estado grandi di mundo.